

collegiaten annemen und sonst der collegiatur halben bei euch bedengken und vorschaffen, alles dasienige so nachrede, schimpff und schaden zcu vorhuten dinstlich. Was dan betrifft die institution und disciplin, wollet vornemlich darob seyn, das die magistri und preceptores so discipul haben dieselben nit alleyn in sprachen unnd guthen künsten vleissigk unterweisen, sunder auch zcu eynem stillen, gottsforchtigen, erbarn wesen zcihen und in 5 allwege gotts wort vleissigk zcu hören anhalten und das eyn yder magister ader preceptor, wie wir bericht das in vorzzeiten auch beschehen, mit seynen discipeln zcu den predigen gehen, am wenigsten die feyertage und dan alle mitwochen und yhnen sonst eynen lateinischen ader deutschen cathechismum vorgebe, darinnen sie examinire und vorhöre und denselben ausswendig lernen lasse. So wollet auch mit dem decano artium 10 vorfügen, das die disputationes und andere ubung vormüge unser ordenung unnd sunst vleissigk zcu nutze der iugent angerichtet und gehalten werden, die examina aber also hynfurt bestellet, das zcum examinatore keyner genummen werde, es sey dan wissentlich das ehr in deme darvon die vorhöre geschehn solle, als nemlich in beyden sprachen und philosophia, woll erfahren und gelert und das uffs wenigste eyne under den examinatore 15 der mathematica berichtet, dan man dieienigen so gradus annemen wollen darinnen vleissigk examiniren solle, wie an andern orthen mit ruhme zcu geschehen pfeget. So sollen auch sonderlich die baccalaureen vorhöret in den examinibus, ap sie iren catechismum können und derhalben der christlichen lehre liphabere in dem examine gezcogen und das hievon eyn eygentliche ordenung und statut gemacht und uns auch zcu besichtigen 20 zeugesant werde. In dem allem geschiet unsere gantzliche meynung. Geben den siebenden decembris anno XLVII.

M. churfurst m. pp. ss.

Den wirdigen und hochgelerten unsern lieben andechtigen und getreuen rectori, magistrern und doctorn unser universitet zcu Leipczk. 25

472.

*Bürgermeister und Rathmannen von Leipzig bekennen, daß ihnen die Universität den Bau einer Steinhütte auf dem Paulinerkirchhof vergünstigt habe.* 1547 Dec. 9.

*Hdschr.: Copiale magnum T. I, fol. 136.*

Wir burgermeister und radtmanne der stadt Leiptzk bekennen in disem unserm 30 brife vor allermennigklichen, nachdeme unser werckmaister auf dem Paulerkirchoff eyne steynhüten ohn unsern wissen und szonderlichen bevhehil an dem ort, do uns vorhin eyn steynhütten vorgünstiget, wider uffzcurichten vorge Nummen, das uns sulchs von der universitet auff unser bitt auch freuntlichen vorgonnet ist wurden, und wir uns durch diesen bau gar kainer gerechtigkeit aldo anmassen, auch nichts zcu bauen oder 35 zcu thun vornemen wöllen dan szovill der vortragk zewüsch der hochloblichen universitet alhier und uns auffgericht vormag. Czu urkunt mit unserm stadtsecret bedruckt, den neunenden decembris anno XLVII.